

影印
文淵閣

四庫全書

影印

文淵閣四庫全書

第一四四四冊

北京出版集團公司
北京出版社

本冊目次

御選宋金元明四朝詩（八）
御選明詩

清

張豫章等奉敕編

……一

欽定四庫全書

御選明詩卷七十七

集部

詳校官中書臣王鵬

主事銜臣徐以坤覆勘

總校官知縣臣楊懋珩

校對官中書臣高 中

膳錄監生臣梁如林

欽定四庫全書

御選明詩卷七十七

七言律詩十

邵寶

雪中賞紅梅奉次涯翁先生時遠翁携酒共飲

懷麓堂

淺絳英英忽滿枝春風到此復何之正憐與雪相逢地

却訝如人欲醉時南國已通千里信西湖空負一生詩

欽定四庫全書

御選明詩
卷七十七

白頭二老青燈夜笑對江東綠酒卮

袁州謁韓文公祠

一上春臺草陸離忽瞻遺像起遐思江山恨少滕王賦

風水愁多二女祠石廩不知雲去地雷塘猶想雨來時

憑君莫引飛鴻望萬里騎龍任所之

夜坐懷劉用熙

蘆泉本是神仙骨誤落人間識者稀聽竹每聯風雨榻

涉江曾製芰荷衣臺荒薊北千金築帆遠吳西一鶴飛

寒日蕭蕭那可度憑君預拂釣魚磯

送朱工部請告歸上虞

記得逢君在樂平新涼庭院碧梧清周官六典曾司寇
禹貢三江又水衡澤國煙波吟裏興雲林風日病餘情
西興渡口猶回首聞道秋潮昨夜生

遊慈恩寺

春殘纔作探春行古寺尋僧懶問名近海景多頻立馬
對花情劇更聞鶯鏡湖敢乞君分賜寶地偏教佛主盟
却憶江南如畫裏萬峰青接水邊城

欽定四庫全書

御選明詩
卷七十七

憶母

手線縫衣欲問寒慈顏時向夢中看世間盡道為官好
天下無如別母難讀罷家音添鬢白書成國事剩心丹
青燈自照磚河夜回首江南路渺漫

乞終養未許

乞歸未許奈親何帝里風光夢裏過三月春寒青草短
五湖天遠白雲多客囊衣在縫猶密驛騎書來字欲磨

聖主恩深臣分淺百年心事兩蹉跎

靜中寫懷用前韻

策杖山邊復水邊病餘翻喜得長年風光共逐初晴後
春色還憐未雨前何處乾坤堪一嘯平生泉石本多緣
閒來獨上西樓望古華峰高正倚天

送馬參議公御之陝西

外省元兼內六曹使君西去更賢勞迎舟風助黃流急
隨馬雲分華嶽高遠道誰教歌憩爰豐年獨遣問啼號
一尊未盡臨歧思寒日荒荒滿節旄

欽定四庫全書

御選明詩
卷七十七

樹色

乍濃還淡弄朝暉樹色依稀定是非樓上望回川歷歷
城陰遮斷路微微晴雲有影團傾蓋春水無波綠染衣
獨坐懷人心正遠天空渭北雁初歸

喬宇

舟中次楊中君謙韻

聞說江南唱子規北人初聽不勝思祇看世路長為別

不道仙舟尚有期
漁浦杳聞煙外笛
酒家遙認月中旗
郎官白雪難為誦
欲和空慚下里詞

幕府山

說著看山興欲飛
湖西雙逕踏霏微
寧辭九日登高會
況是諸軍奏凱歸
林外鐘聲開宿靄
江頭帆影送斜暉
亦知歡會何終極
霜露休教上客衣

秋風亭下汎舟

荒庭寥落野煙空
漢武雄才想像中
簫鼓應聲開畫鷁
帆檣飛影動晴虹
山分秦晉羣峰斷
水入河汾兩派通
少壯幾時還老大
不須回首歎秋風

籍田禮成恭紀

東郊法駕勸春畊
右列三公左九卿
王業有基開地力
聖躬無逸鑒天行
功先耒耜三推數
樂備鈞韶九奏聲
盛禮既成還賜宴
共將豐稔頌昇平

元日復命

宮袍香引御爐煙
奏對真于百辟先
瑞雪早占嘉靖日

寶符重紀甲申年
視牲禮重青陽後
復命心懸紫極前
稽首龍顏華蓋近
不知雙履到中天

分獻鍾山

隔江丹嶂鑿鴻濛
虎踞龍盤指顧中
地比岐豐開帝業
歲多雲雨濟神功
中天積翠瞻依近
南紀分壇配享同
三獻禮成還佇立
夜深靈樹響高風

分獻星辰一壇

燔煙上起夜無風
峙立星壇對倚空
萬象芒寒天在北
九霄雲歟月當中
香隨龍袞瞻依近
聲奏簫韶陟降通
郊獻禮成春二日
泰階平處仰神功

王雲鳳

送孟仲平陝西屯田僉事

璽書初下建章宮
諸將邊隅已望風
秦甲連營金窟北
漢屯分畝玉闕東
山糴凍雪侵雲白
水落寒巖繞澗紅
聞道西羌今款塞
莫留魏尚久雲中

儲壘

宿呂梁有感

赤石黃緣宿呂梁，黃茅轉盼失前岡。
百年身世如秦贅，一髮功名魏楚狂。
投老計應吾土好，懷人情與暮雲長。
夢回多少關心處，清鏡朝來有鬢霜。

歲晚病懷

園居瀟灑復何求，天際浮雲任去留。
病枕夜長妨穩睡，吟筇冬煖散閒愁。
支離未就歸田稿，汗漫虛疑駕海舟。
五十五年成底事，春風依舊屋東頭。

欽定四庫全書

御選明詩
卷七十七

六

立春日

未試春盤且洗觴，吹葭五夜待春光。
催花謾剪隋宮綵，賜酒曾沾漢署香。
白髮銀幡聊作戲，青衫竹馬自成行。
凌晨便有名園興，獨喜喬松不受霜。

上元夕飲客二首用前韻

愛客曾留臘底觴，晚筵絲竹瀉寒光。
淡籠明月饒春麗，小浥輕塵覺雨香。
何處風來花作陣，誰家燈好妓成行。
開年共說逢佳境，碧盞膏新有蔗霜。

佳辰留客競浮觴，一飲先判盡曙光。
雲葉弄晴翻桂魄，燈花烘夜吐蘭香。

盆瓊錯落筵前令，第雁參差曲裏行。
莫訝東君扶病坐，故人投分比明霜。

次克溫南宮賞魏花

南宮花發滿朱欄，對酒先判十日看。
彩筆舊傳才子夢，青綾誰道主人寒。
明妝向晚圍紅燭，妙舞迴春試翠盤。
空輿花枝無好句，東風應笑客衰殘。

送馬侍郎歸故城

西掖東曹疏幾封，秣陵回首寄行踪。
懷歸當擬瓜期及，算老誰能蔗境逢。
去國衣冠非寂寞，過江舟楫且從容。
攀援欲詣三山別，閒看浮雲結晚峰。

答夏郡博

夢裏仙居接兩涯，海門山好向誰賒。
丹霞掩映千年樹，碧澗縈迴十里花。
雲外聽人吹楚竹，洞中留客飯胡麻。
醒來忽捧堯天詔，憶在台南第幾家。

又分韻得多字送杭東卿

飛樓突兀挂明河西北雲山入檻多絕頂危巢歇鶴雀
夾城流水帶清荷清商掠樹驚秋到明月看人奈別何
坐撫佳辰懷遠道送君須待醉時歌

再答寫懷

醵酒初封半圻泥惜春連日醉芳溪鶯林謁斷停杯待
花陣香來滿袖携榻徧彩箋多詠蜀調成錦瑟肯干齊
南游暫借江山助未必青冥羽翼低

衡雨發雄縣晚至涿州

欽定四庫全書

御選明詩
卷七十七

淋浪一雨起歸程客思翛然半夜生塵漲洗開秋氣淨
簿書拋却病身輕却看車馬增行色轉覺雲山賴晚晴
好景供詩隨處有松廳明月范陽城

九日同諸公登幕府山次樊川韻

秋晚驚看木葉飛寒山一徑到來微天晴曠野千峰出
水落長江萬里歸渺渺平蕪懷故國垂垂短髮對斜暉
平生賸有登高興千仞岡頭再振衣

楊循吉

初春山居還城却寄支硎僧院

好山不著詩人句孤負浮嵐翠滿空梅子蛺蝶春事半
雨聲追冷昨宵中來尋茗椀梯幽閣却上籃輿別遠公
白髮漸添身老大何緣佳興逐東風

湖上

湖上魚吹細沫行湖邊花草足風情田分日影陰晴別
水合天光上下清頗怪病身逢酒健久留眵眼待山明
農家識是游人過競擁籬頭送櫓鳴

欽定四庫全書

御選明詩
卷七十七

費宏

南史侍羅圭峰考滿赴京至良鄉以折臂乞歸
中批遽從之作此奉寄

咫尺論心恨未能薊門南望睇空凝憂時定復添華髮
醫國真應屬折肱歸喜冬簷支睡枕行當霜路蹴層冰
欲知諸老拳拳意不減韓翁惜孔丞

謝姜寬送芋子

芋魁相送滿筠籠應念冰盤首藉空此日蹲鴟真損惠

當年黃獨漫哀窮，蒸時不厭葫蘆爛。煨處還思楮枲紅，自是菜根滋味好。萬錢誰復羨王公。

石珪

早朝追和鮑老韻

蓬萊宮闕玉為橋，曳履年年侍早朝。壚霽著衣如過雨，御溝搖月欲生潮。未排閭闔心猶壯，纔望金莖渴已消。奏罷從容過東觀，五雲隱隱聽吹簫。

宮柳

欽定四庫全書

御選明詩
卷七十七

內裏垂楊自不同，萬條柔翠拂瓊宮。葉含華萼樓前雨，枝帶朝元閣上風。望入畫眉情正切，轉來黃鳥語初工。一般灞水橋頭綠，日日行人惆悵中。

秋興

野寺旋題帶夕暉，鐘聲遙度翠林微。蕪蕪渡口逢人語，恒嶽峯前見雁飛。月露風花情太劇，江湖廊廟願多違。不知蓴菜鱸魚膾，何事能令沈約肥。

送鄧丞兄歸揚州

蕪蕪漢水駐仙槎，羨爾吹簫早放衙。池上夢回春草綠，塞門秋盡雁行斜。心懸邊徼聞歸馬，望入淮山喜近家。好向高堂說難弟，哦松終日更看花。

王鴻儒

沁州道中

十年江左宦情關，此日并門復強顏。細柳依依標北道，生煙漠漠護前山。數聲清管鳴蛙沸，一點黃塵探騎還。回首中原渺千里，白雲飛處是鄉關。

欽定四庫全書

御選明詩
卷七十七

送范齋李先生致仕還吳

春色俄看到枳花，江東行客理歸艖。世逢水馬波難泝，吾道人龍跡已遐。安世平生多氣節，少陵老去憶桑麻。袖中未有留戡疏，羞向燈前看莫邪。

吳儼

聽鄭伶琵琶

鄭伶名價重江東，五百黎園伎盡空。子夜猿啼殘月白，上林鶯老落花紅。江頭商婦愁無限，塞外明妃恨不同。

可惜曹綱今去遠何由兩市聞西風

羅玘

遊方山路間定韻與石樓志別

相逢盡道乞還山公乞還山便得還浮世風煙棋罷局
百年光景手循環穿雲躡磴疑天上到寺對僧如夢間
明日河橋杯酒後月明千里隔陽關

楊子器

早朝詩

欽定四庫全書

御選明詩
卷七十七

十三

平旦瞳矐瑞靄浮曙星送月下西樓畫衣遙入迎仙彈
黃繖高擎覆采旒鸞帚拂塵花雨霽霓旌曳影柳風柔
太平無事春如海天保歌長樂未休

曉天宮闕挂星河魚鱗傳迴鳳輦過雲擁蓬萊通御氣
雨晴太液起恩波鼓嚴正促千官入鞭靜猶聞禁卒訶
衙退殿頭幢節下花陰滿地逐鳴珂

滿地霜華襯短靴禁城陰處曉頻過金籠內使教鸚鵡
玉勒蕃奴制駱駝八面樓西明月在萬年枝上慶雲多

重聞奏事言何事郎省無緣上諫坡

天街雲騎擁青騶明月參差印帽紗簇仗旌旗相掩映
報班鐘鼓未停撾晨光隱約通三殿和氣綢繆滿萬家
朝下迴無人語雜早鶯啼出內園花

鄒智

金井山居次韻

鐵杖何年入此山今人菴是古人菴春風小圃修花史
落日疎林縱酒談放鶴亭高塵網斷聽鶯橋近野情酣

欽定四庫全書

御選明詩
卷七十七

十三

莫辭老背尋常炙寒露侵凌恐未堪

李承箕

用茂卿兄韻呈定山先生

紛紛岐路竟何之我且東行住少時春好一年留酒國
花殘兩度見辛夸夢隨莊叟迷蝴蝶醉過山翁倒接離
何日杖藜期度嶺江門無地不宜詩

陳源清

答文徵明秀才

每從白馬望吳門天塹長江隔夢魂縞帶交情惟汝在
練裙書法好誰論支硎鶴去雲千片茂苑花飛水一村
何日黃金祠賈島玉蘭花下酹清尊

趙輔

奉和觀車駕祀南郊

御堤新築淨無埃大駕親承祀事來風定鑪煙浮袞冕
日高仙仗護蓬萊鸞旂紛擁雲衢合雉扇遙迎翠輦開
更有羽林嚴宿衛桓桓多是出羣才

欽定四庫全書

御選明詩
卷七十七

十四

沈周

宜晚軒為玉公賦

湖山佳處小軒成薄暮偏宜物外情明月未來風滿樹
夕陽猶在鳥無聲黃花共客詩中老白髮催年定裏生
塵海行人不知此勞勞心跡候誰明

和張保定留題北寺詩韻

鐘磬泠泠隔水聞當門高塔倚斜曛綠蘿深徑棲殘雨
黃葉空臺積暮雲已拂筆塵留草聖更因香炷事桐君

碧山學士清游後應悔銀魚不蚤焚

文溫州寄鳳尾蕉

鄭重移根過嶺來向陽墀上擇宜栽葉攢碧柄參差長
幅破青綾細瑣裁心雨拔簪鰲戍削尾風搖扇鳳梧穗
森然獨冒寒窓雪不似芭蕉一夜摧

谿亭一景

幽亭臨水稱冥棲蓼渚沙坪只尺迷山雨乍來茆溜細
谿雲欲墮竹梢低檐頭故壘雌雄燕雛脚秋蟲子母雞
此段風光小韋杜可能無我一青藜

欽定四庫全書

御選明詩
卷七十七

十五

聞清癡馬秋官課農山莊

秋官臺笠事東菑雖愛清幽也似癡分肉戲專鄰叟社
訟田間剖野人詞竹枝雨暗蠅蚋戶豆葉風涼絡緯籬
知遣牀頭三百甕醉中都賦勸農詩

觀西湖百詠集感舊有作

白髮攤書似夢驚某丘某水認題名袖中東海言非大
紙上西湖眼更明少覺舊游渾記得老闌佳處尚思行

青鞋布襪猶鮮健祗待花時計便成

立夏日山中過游後夜宿劉邦彥竹東別墅

乍認東莊路不真有橋通市却無鄰山窮借看堂中畫
花盡來尋竹主人爛漫箋麻發新興留連櫻筍送殘春
與君再見當經歲分付清觴緩緩巡

約史明古不至

仙舟望不到玄都近信虛傳過太湖如此江山空舊約
可勝風雨有長途燈前白髮暮聲在地上碧桃花事無

欽定四庫全書

御選明詩
卷七十七

十六

春已闌珊人尚遠幽禽何苦喚提壺

別金陵

花事怱怱瞥眼過故園不去欲如何五侯賓客鯖金少
百姓人家燕已多蔣廟亂山雲罨樹秦淮落日水增波
有詩對酒雖堪賴終欠玲瓏為我歌

分得藥臼謝醫

山人治藥砍雲根枵腹中容海月吞搗過砂牀剝朱糝
煉餘石髓膩青痕無銘錯認周王鼓有竅真移玉女盆

抱疾人來識清杵數聲遙在杏花村

贈西山老僧

老抱清齋太瘦生雪眉霜鬢使人驚遊僧久住同衣食
畜鶴長隨識性情土銼逼牀身煖活紙窓烘日眼晶明
此心應與山俱靜不是深山養不成

秋雨偶書

雲暗湖邨水漫沙秋堂蕭颯類僧家聰明比舊堂堂減
老嬾隨年數數加風扇未愁蕉破葉雨房偏恐稻傷花

欽定四庫全書

御選明詩
卷七十七

十七

坐深兀兀多資睡強欲開書候日華

拂水巖

只有看山是勝緣青鞋布襪且輕便天收雨脚賒今日
我趁花時遣老年絕壁雲扶將墮石豁崖風勒下奔泉
此來不憤空歸去旋構新篇揀竹鐫

楊花二首

撲面吹衣雪點晴紛紛地亞夫營借風為力終無賴
與水何緣却託生看雀草金新蕊破愛風撩玉小團輕

踏調女子空連臂喚不歸來信薄情

恃何顏色漫狂顛雖取花名未取憐寒士衣裳思挾纊
相公簾幕欲漫天吹噓不起春泥上撩亂無端老鬢邊
一種當門小兒子傍風因日弄輕圓

半清軒

一軒偪側兩弓餘心遠何妨市上居盆裏栽梅寄瀟灑
壁間寫竹看扶踈閒翻酒券供臨帖靜借牙籌記讀書
日有茶煙與香篆行人簾外欲停車

欽定四庫全書

御選明詩
卷七十七

十八

水村圖

魚莊蟹舍一叢叢湖上成村似畫中互渚斷沙橋自貫
輕鷗遠水地俱空船迷楊柳人依綠燈隔薰葭火映紅
全與吾家風致合草堂曾有此愚翁

詠簾

誰放春雲下曲瓊一重薄隔萬重情珠光蕩日花如夢
瑣影通風笑有聲外面令人倍惆悵裏邊容眼自分明
知無緣分難輕入敢與楊花燕子爭

落花詩三十首 錄五首

供送春愁上客眉亂紛紛地貯多時擬招綠妾難成些
戲比紅兒煞要詩臨水東風撩短鬢惹空晴日共游絲
還隨蛺蝶追尋去牆角公然有半枝

百五光陰瞬息中夜來無樹不驚風踏歌女子思楊白
進酒才人賦雨紅金水送香波共渺玉階看影月俱空
當時深院還重鎖今出牆頭西復東

筇枝侵曉啄芳痕借爾階庭亦暫存路不分明愁喚夢

欽定四庫全書

御選明詩
卷七十七

十九

酒無聊賴怕臨軒隨風肯去從新嫁棄樹難留絕故恩
惆悵斷香餘粉在何人剪紙一招魂

馬追紅雨倦游回春事闌珊意已灰生怕漸多煩埽地
酷憐將盡數銜杯莽無留戀牆頭過私有徘徊扇底來
老去罍牽宜絕物白頭自笑此心孩

為爾徘徊何處邊赤闌干外碧檐前亂飛萬點紅無度
間過一鶯黃可憐觀裏又來劉禹錫江南重見李龜年
送春把酒追無及留取銀燈補後緣

送晏青雲還蜀

詩草琴張共一囊輕舟八月過瞿塘功名如夢青雲遠
桑梓關心白髮長喜脫豸冠尋隱計閒書牙笏記丹方
登高王粲應憔悴始信江山非故鄉

與陳廷璧周宗道晚歸有竹莊漫興

酒闌搥鼓棹郎催拉柁迎潮細浪開竹嶼東頭諸客散
柳塘南下一舟回微陽遠浦紅猶在斷雨迴風白又來
童子伺門燈火候漫因清暑再傳杯

欽定四庫全書

御選明詩

卷七十七

二十

梨花

瑩白姿容謝粉鉛不教酒洗自嬋娟日華暖抱溶溶雪
月影涼生淡淡煙深鎖春愁歸院後靜思先夢凭闌邊
那堪埽地東風惡抹殺清明又一年

史鑑

松陵夜泊

城陰分手即天涯嶺樹江雲別路賒未到故園猶是客
忽聞鄉語似還家燈前今夜愁無寐鏡裏明朝鬢有華

欲問歸舟何處宿月明和雁在蘆花

登吳興慈感寺閣

亭亭高閣倚斜暉廿載曾從此地歸往事已隨春草換
重來似覺故人稀孤城近水青山映遠樹和雲去鳥微
欲繫扁舟嗟未得蘼蕪新綠釣魚磯

曹顥若載酒過訪以詩贈別

一尊相對思依依老大空悲始願違華髮鏡中看漸短
故人天際信來稀黃梅雨少河流淺綠樹陰多日景微
欲抱漁竿江上去却愁風浪濕荷衣

欽定四庫全書

御選明詩

卷七十七

二十一

金琮

送別史癡翁分得塵字

酌酒題詩送故人卧癡樓上宴殘春誰能老去身無事
我愧年來曠有銀楊柳風輕渾是夢杏花雨細欲成塵
行裝贖貯金壺墨處處湖山為寫真

黃雲

雨中書事

病裏仍愁四十過學書學劍兩蹉跎白翻野飯炊粳稻
綠染秋衣製芰荷遠道西風吹客鬢空江暮雨濕漁蓑
村醪急辦青錢買兒女燈前且笑歌

吳江王氏月湖

水雲千頃浩無邊蕭爽微颺埽翳煙海底魚龍還出沒
夜深河漢亦澄鮮倒披宮錦淋漓醉快展湘雲放浪眠
逸興遄飛鷗夢遠流光孤潔照沉淵

次吳工部夜集韻兼述鄙意

欽定四庫全書

御選明詩
卷七十七

三十二

脫幘掀髯折墮簪語長真似吐絲蠶乞身且待三宜去
養壽應無七不堪屈產昔曾空冀北人生只合住江南
賡詩賴有梅花主吟處宜題退隱菴

夏日書事寄吳水部德微

夏木垂陰覆小堂圖書生潤日消長遺音過耳栗留語
餘馥清心簷蔔香嬾僕畬田耕鹵莽頑兒越戶步踉蹌
行吟坐睡多閒適自至南風足午涼

施彥清野翁莊次沈啟南先生韻

笑王給事鎖西莊隔水通人故架梁載酒柴門無吠犬
分花鄰舍恰低牆書臨晉帖時數過詩詠幽風日幾章
好鱸鱸魚飯香稻縱饒飛雪興難妨

莫止

正月十九日漫述

節名燕九尚留燈故事元從闕下增時態盡隨前夜月
餘光猶照幾家棚臘醅熟久樽初剖園韭香新饌可登
細雨落梅清詠徹高情應念昔人曾

欽定四庫全書

御選明詩
卷七十七

三十三

羅燾

追和石田翁落花詩二首

錄一首

花隨流水去悠悠幾日傷春欲白頭絮絮游絲腸百結
瓣浮細雨淚雙流秋千院落人孤立杜宇枝頭月一鉤
過眼韶光無計挽年年空抱別離愁

葉聰

秋懷

北斗城高近海濤每懷風景動微吟青山有恨傷甌越

流水無情自古今幾處吹笳空夜月誰家擣練急寒砧
天涯此日重回首忽見江花思不禁

舟次瓜洲

瓜步南頭水拍天高樓獨望思悠然半江僧下山腰寺
兩岸人分渡口船萬斛千艘非舊日一龍五馬是何年
邇來欲趁風濤便十幅蒲帆向浙川

方太古

寒食思友小酌

欽定四庫全書

御選明詩
卷七十七

十四

已買桐江舊釣船清江白石趁鷗眠風前轉眼逢寒食
時事驚心豈少年故國梨花千樹雪小堂楊柳一林煙
夜來有夢高陽侶覓得村沽飲十千

寒食

春光二月忽三月天氣單衣又夾衣樹樹梨花相鬪發
家家燕子欲偷飛客懷不慣逢寒食世路還堪住翠微
溪上柳條新弄碧輕風晴日待儂歸

穀雨

春事闌珊酒病瘳山家穀雨早茶收花前細細風雙蝶
林外時時雨一鳩碧海丹丘無鶴駕綠蕤青笠有漁舟
塵埃漫笑浮生夢峴首于今試薄遊

書寒溪書屋壁

屋占桑麻半畝園歲無車馬與人喧午涼樹影圓浮地
夜靜灘聲直到門萬卷詩書銷日月一灣鷗鷺共朝昏
興來蓑笠扁舟去不亞浣花溪上村

周立

欽定四庫全書

御選明詩
卷七十七

三十五

將過江陰訪朱善繼塗中風雨乃回

尋君無那朔風顛興盡空回訪戴船洶湧浪喧歌岸石
冥濛雨濕遠林煙江楓落葉紅銷樹野水冰生白滿田
歲晚幽期嗟竟阻相過重擬入新年

董澐

天竺次白樂天

松林行盡見松門花事三分過二分高樹鳥呼低樹鳥
入山雲笑出山雲峰前瀑布僧前落竹裏流鶯寺裏聞

忙處不知閒處好紅塵白浪正紛紛

薛章憲

風雨中憶含桃

含桃摘後已無多更耐風狂雨橫何縱有紺附垂弱蒂
分無丹顆綴柔柯朱唇失絳羞樊素頰頰啼紅泣孀蘿
想見流鶯正無賴應同老子共悲歌

朱訥

燕

欽定四庫全書

御選明詩

卷七十七

二十六

三月巢乾雛未成茅堂來往日營營說殘午夢千聲巧
剪破春愁兩尾輕宮柳陰濃金鎖合水芹香細綠波晴
畫闌十二無人倚一半梨花一半鶯

朱朴

吳江道中

江上芙蓉晚著花故人書畫汎輕艍廿年往事今重省
雙鷺逢秋各有華水落湖田漁網集天低澤國雁行斜
垂虹橋下堪停棹碧樹紅簾賣酒家

楚江秋曉

卧聞津吏數江程白鳥青莎岸岸明秋色遠連湓浦樹
人家多繞漢陽城殘燈野寺鐘初動瘦馬河橋客早行
三國廢興何處問荻花風起又潮生

孫寬

和西涯相公春興詩二首

欽定四庫全書

御選明詩

卷七十七

二十七

山館悠悠倚峻坡別來應是兩年過鹿麋昔日遊偏好
風雨他鄉夢更多松下小軒閒雨菊月中荒徑掩雲蘿
歸來若待頭顱白其奈巖花笑客何
竹垣向裏闢新池徑曲門迂去每遲鳥弄落花人未到
魚吹新荇月先知天邊客夢何時醒江上歸舟此日移
喚起巢由作賓主不知身在帝堯時

沈宣

次沈陶菴題石田有竹莊韻

休文家在陽湖住湖有簑簑似渭川險韻刊詩留節下
涼陰牽夢墮鷗邊無人厭俗狂題鳳有客敲門共飲泉